

آزادسینان همکارلیغین ایدامه‌سینده مجلسین نظری

بین‌المللی اتومی انرژی آزادسینان، ایرانین هسته‌ای فعالیتی باره‌سینده کی آخر گوزاریشینده اولکه‌میزه غیر منطقی و سیاسی ایته‌املارین وورماسی باعث اولوب تا مجلس، ایرانین بو آزادسینان رابطه‌سینه تازادان نظر سالسین.



بین‌المللی اتومی انرژی آزادسینان، ایرانین هسته‌ای فعالیتی باره‌سینده کی آخر گوزاریشینده اولکه‌میزه غیر منطقی و سیاسی ایته‌املارین وورماسی باعث اولوب تا مجلس، ایرانین بو آزادسینان رابطه‌سینه تازادان نظر سالسین.

علی لاریجانی مجلسین ریسی دئدی: اوردان کی آزادسینان همکارلیق ائله‌ماغین و ائله‌ماماگی فرقی یوخدور، مجلس آزادسینان همکارلیغین ایدامه‌سی باره‌ده تصمیم توتاجاق. بو اساسدا میلی امنیت و خارجی سیاستلر کومسیونو بو مسأله‌یه یتیشماغا مأمور اولوبدور. دوشنبه گونو کومسیونون سؤز دانیشانی کاظم جلالی بونو دئماغینان کی میلی امنیت کومسیونو بو باره‌ده اؤز آراشدیرمالارینی باشلایب، دئدی کی بو مسأله جیدی صورتده کومسیوندا مطرح‌دیر. بو باره‌ده مجلسین خارجی سیاستلر و میلی امنیت کومسیونون ریسی علاءالدین بروجردی اینن دانیشمیشیق.

* آیا مجلس ایستیر آزادسینان قطع رابطه ائدک؟

یوخ! سؤزلر و لفظلر حقوقی و سیاسی بحثلرده حساس‌دیلار. اصلاً آزادسینان قطع رابطه بحثی یوخدور. همکارلیقلار تازادان باخماق مجلسین خارجی سیاستلر و میلی امنیت کومسیونون گلن هفته‌ده کی دستوروندا وار و بونوندا عیلتی بین‌المللی اتومی انرژی آزادسینان ریسی یوکیا آمانونون چوخ بیس عملکر‌دیر. آمانو گرك وظیفه‌لرینه اساساً آزادسینان موقرراتی چرچیوه‌سینده اؤز فنی، حقوقی و تخصصی اینشین گوره، اما عملده آمریکانین فیشاری اینن سیاسی ایش گوردو. کول مودیر طرفیندن بئله حرکت، آزادسینان گله‌جگینه چوخ خطرلیدیر و عضولرین حقلری اینن ضایع اولماسینا باعث اولاجاق. بونا خاطر ایندیجه‌ن کامیل صورتده اولان همکارلیقلاریمیز گرك تازادان آراشدیرلا.

* آیا بو تازادان باخماق ان پی تی دن چیخماق معناسیندیر؟

یوخ، آزادسینان همکارلیغا تازادان باخماق ان پی تی دن چیخماغینان فرقلی شئیدیر. ان پی تی بین‌المللی موعاہیده‌دیر کی اولکه‌لرین هسته‌ای بومب دوزلتمه‌ماغا تعهوددور اما آژانس بیر تشکیلات و سازمان‌دیر کی اولکه‌لرین صلوح‌امیز فعالیتلری اینن موقرراتین تنظیم ائدیر.

* آمانونون گوزاریشی اینن اگر ایرانین علته‌نه بیر قطعنامه صادر اولا مجلس نه تصمیم توتاجاق؟

میلل سازمانی ایندیجه‌ن چوخ قطعنامه صادر ائدیپ. تشکیل تاپیلاجاق جلسه، میلل سازمانی اینن حاکیملر شوراسینا مربوطدور اما امنیت شوراسیندا دا بیزیم علته‌میزه قطعنامه صادر اولوب اما بیز سیاستلریمیزه هنج زادی دگیشمه‌میشوق؛ نه کی اعتقادیمیز وار ایرانین هسته‌ای فعالیتلری صلوح‌امیزدیر. بو ایرانین حقلریندن دیر و ان پی تی و آزادسینان قانونلاری دا اونو تصریح ائدیرلر. بیز صلوح‌امیز هسته‌ای فعالیتلریمیزه اؤز حقلریمیزدن دالی اوتورمیه‌جیوق.

* بعضیلری بئله دوشونورلر کی آمانونون گوزاریشی آزادسینان یکی ایل قاباقکی گوزاریشلریندن شیدت‌لیدیر و بو مسأله باعث اولوب ایران همکارلیغین ایدامه‌سی باره‌ده تازادان باخا.

بلی، آقاي آمانو ائله مسأله‌لره باش قوشوب کی اساساً بازرسلیقلاردان کنار بیر شئیدیر چون کول مودیرین گوزاریشی آزادسینان بازرسلیقلاری اساسیندا اولار و بیزیمده فعالیتلریمیزین هامیسی شفاف و قانون چرچیوه‌سینده‌دیر اما آقاي آمانو 2003 ده کی ایته‌املاری کی جواب وئرلیمیشدی تازادان مطرح ائدیپ و بو قبول اولان دئییل.

* کومسیونون دوشنبه گونونده کی جلسه‌ده بو رابطه‌ده نه تصمیم توتولدو؟

کومسیونون گلن هفته‌کی جلسه‌سینده همکارلیقلاردا تجدید نظر ائله‌ماق، ایش دستوروندا قرار تاپدی.